

Universitätsbibliothek Paderborn

De Perfectionibvs Moribvsqve Divinis Libri XIV

Lessius, Leonardus

Antverpiae, 1620

Cap. I. Deum esse omnipotentem.

[urn:nbn:de:hbz:466:1-46817](#)

61

D E
PERFECTIONIBVS
MORIBVS QVE
D I V . I N . I S
LIBER QVINTVS,
DE OMNIPOTENTIA DEI.

SVPERIORIBVS quatuor Libris breuiter actum est de quatuor perfectionibus diuinis quæ circa ipsam essentiam in star modorum concipiuntur: sequitur nunc ut agamus de illis quæ concipiuntur in star qualitatum, nec tamen inuoluunt respectum ad creaturas vt existentes; quales sunt maximè istæ quatuor, Potentia, Sapientia, Bonitas seu Perfectio, & Sanctitas, de quibus agemus quatuor Libris sequentibus.

C A P V T P R I M V M.

Deum esse omnipotentem.

OMNIPOTENTIA Dei plurimis locis traditur à Scriptura diuina, nam plusquam 70. locis vocatur *omnipotens*. Idem multis aliis locis disertè afferitur, vt Matth. 19. *Apud Deum omnia possibilia sunt*. Marci 10. *Omnia possibilia sunt apud Deum*. & c. 14. *Pater, omnia tibi possibilia sunt*. Luc. 1. *Non est impossibile apud Deum omne verbum*. Idem patet ex Symbolo: *Credo in Deum, Patrem omnipotentem,*

H 3

1

tentem, creatorem celi & terre. Estque hic articulus fundamentum nostrae Religionis, cum pricipua eius dogmata eo nitantur, ut dogma de creatione mundi, de eiusdem conseruatione & gubernatione, mysterium Incarnationis, Eucharistiae, Resurrectionis, Visionis beatissimae, & similia.

Idem colligi potestratione. Primo, Ex eo quod totum hoc universum omnia rerum genera complectens fecerit. Vnde euidenter patet, illum alia similia sine fine efficere posse. sicuti piator, qui unam formam potest excellentissime depingere, potest etiam quasvis alias suas animo complecti potest: & architectus, qui unam palatij ideam potest animo concipere, & opere exhibere, potest etiam alias quasvis.

Secundo, Ex modo faciendi, tum ex parte actionis, tum ex parte termini. Ex parte actionis, quia summa facilitate, nimirum solo verbo & iussu. *Ipse enim dixit, & facta sunt, ipse mandauit, & creata sunt.* nihil facilius verbo. Hæc summa facilitas, signum est summæ potentiae, ac proinde omnipotentiae. Ex parte termini, quia ex nulla materia, sed ex nihilo: quod numquam Philosophi potuerunt vel animo concipere. Quare & ex hac parte, eius potentia limite caret. Ex parte enim formæ, res in infinitum multiplicari possunt: ut si architectus posset extruere domos sine materia, vel ipsam materiam primitus excitare, nullus posset eius arti statui terminus: nam sine fine plures & plures domos posset extruere. Quod enim plures nequeant fieri, defectu materiae prouenit. Est igitur hoc signum euidens omnipotentiae. Nec enim maior fingi potest, quam quæ totum ex nihilo facit. Confirmatur, Quia quod res longius distat ab esse, eò maiore opus est potentia ut trahatur ad esse: atqui longissime distat ab esse, quod non later in potentia materiae, sed in puro nihilo, solaque potentia obsecunda, ergo opus est maxima potentia, quæ sola est omnipotentia.

Tertio colligitur ex infinite essentia: potentia enim sequitur essentiam. Nam vel est ipsa rei essentia, considerata ut est effectiva, vel quiddam sequens essentiam per modum naturalis proprietatis. Ergo cum essentia sit penitus infinita, potentia quoque omnino infinita erit: sunt enim hæc inter se commensa.

Quarto, Ex participabilitate essentiae. tanta enim est potentia, quanta est essentia in ratione participabilis ad extra: sed essentia infinitis modis est participabilis seu imitabilis, idque secundum singulos gradus rerum, qui sunt, esse, vivere, sentire, intelligere, ergo poten-

potentia est infinita. Vide S.Thomam l.2. contra Gentes c.22. vbi similes aliquot rationes eleganter adducit.

Quintò, Ex ratione sapientiae. quia tanta est potentia, quanta est sapientia. Quidquid enim per suam sapientiam potest conceperre ut operabile, per suam potentiam potest efficere. sicut perfectus pictor, quidquid potest imaginari, potest exterioris depingere. Atqui infinitas rationes, & species rerum infinita illa sapientia concipit: ergo potest omnes illas producere.

C A P V T II.

Quædam conjectaria Omnipotentia diuina.

4 Ex his sequitur primò, Deum posse omnia efficere per seipsum, Deus potest per se facere quidquid per creaturas. quæ potest per creaturas. Omnes enim vires & facultates quæ sunt in creaturis, sunt ab ipso, & in ipso eminenter existunt. Cum igitur iphius potentia omnem creaturæ potentiam eminenter contineat; omnia potest, quæ omnis creatura potest; idque modo longè perfectiore.

Sequitur secundò, Cùm Deus dicitur *omnipotens*, & *omnia posse*, &c. id *omnia* non solum designare ea quæ sunt re ipsa, aut quæ ab his fieri possunt; sed *omnia* absolute, quorum conceptui non repugnat esse; qualia sunt *omnia*, non solum quæ à mente humana & Angelica, sed etiam quæ ab ipsa Dei sapientia infinita concipi possunt. At hæc quæ sunt infinita? quæ mirabilia & exotica, & omnem captum mentis humanae & Angelicæ excendentia? Quæ mira & multa sine termino singit mens humana? quanto mirabiliora & peregriniora, & plura mens Angelica? sed in infinitum magis miranda & plura mens diuina? Hæc omnia solo verbo, solo nutu potest in opus explicare, & foris re ipsa representare. Sicut enim diuina sapientia est regula diuinæ potentie, ita etiam nullus aliud lumen ei status potest. Confirmari hæc possunt ex illo dicto Angeli, Luca 1. *Non erit impossibile apud Deum omne verbum*; id est, nulla res quæ animo concipi queat, aut verbo exprimi, ut Doctores passim exponunt. Vnde certissima & ab omnibus recepta sententia est, eaque fide tenenda, vel fidei proxima, *Deum posse quidquid non inuolutum contradictionem*. id est, quidquid non includit non esse simul cum esse. *Non esse enim formaliter tollit esse*, ac proinde simul cum illo stare non potest; idque adeò est cui-

Potest omnia facere quæ ipsius sapientia potest extra se compiere.